



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

03.10.2014

MESEJ KETUA PEGAWAI EKSEKUTIF



Bajet 2015 akan dibentangkan oleh YAB Perdana Menteri pada minggu hadapan. Kami menjangkakan pematuhan berdisiplin terhadap konsolidasi fiskal akan terus dikekalkan, termasuklah kaedah-kaedah untuk menguruskan dan mengurangkan hutang kerajaan.

Setelah pelaksanaannya ditangguhkan beberapa kali sebelum ini, kita kini akan melihat pelaksanaan Cukai Barang dan Perkhidmatan (GST). Cukai tersebut akan meluaskan asas cukai negara dan ini diharapkan dapat mengurangkan defisit fiskal ke tahap yang lebih rendah. Seperti yang kita semua maklum, kerajaan telah mensasarkan untuk mengimbangi bajet negara menjelang tahun 2020, hanya enam tahun sahaja dari sekarang.

Dalam hal yang berasingan, Malaysia telah mengekalkan kedudukan ke-4nya daripada 10 buah negara di dalam laporan ACGA-CLSA CG Watch 2014. Laporan tersebut menyatakan bahawa Malaysia merupakan satu-satunya negara yang telah memperbaiki skor secara konsisten daripada 49% pada tahun 1997 kepada 58% pada tahun 2014. Penambahbaikan ini disebabkan terutamanya oleh gabungan usaha yang diterajui oleh Kerajaan seperti pelaksanaan Rangka Tindakan Tadbir Urus Korporat 2011, langkah-langkah menggalakkan pelabur institusi domestik untuk mengamalkan tadbir urus korporat dengan lebih serius melalui Kod Pelabur Institusi Malaysia dan juga penubuhan Lembaga Pemantauan Audit bebas. Laporan tersebut juga mengenalpasti beberapa aspek budaya tadbir urus korporat yang lebih baik melalui pembangunan Kod Pelabur Institusi, pengundian secara poll secara sukarela di setengah-tengah syarikat dan komunikasi syarikat tersenarai yang lebih baik.

Laporan tersebut turut mengetengahkan bahawa rantau Asia secara amnya sering terjerumus dalam kancang politik menjadikan sebarang perubahan perundangan sukar dilaksanakan dan memerlukan sokongan kerajaan yang kukuh, namun kebiasaan ia tidak senang diperolehi. Suruhanjaya sekuriti di rantau ini kini sedang melaksanakan penguatkuasaan secara serius, namun aspek penzahiran masih boleh diperbaiki lagi. Laporan tersebut turut mengetengahkan konflik kepentingan di dalam peranan bursa saham. Hak-hak pemegang saham di dalam pasaran yang berbeza dikatakan lemah, terutamanya berkaitan isu pengambilalihan dan transaksi pihak berkaitan.

CG Watch 2014 melaporkan bahawa Malaysia yang telah mempromosikan tanggungjawab sosial korporat (CSR) terawal sekali berbanding pasaran-pasaran Asia yang lain, bagaimanapun, pelaksanaannya terhenti pada aspek laporan kewangan sahaja.

Laporan tersebut mencadangkan supaya syarikat tersenarai Malaysia menzahirkan maklumat yang lebih terperinci dan menjelaskannya di dalam agenda AGM. Tambahan pula, sepatut memberikan maklumat mengenai jenis perkhidmatan yang diberikan di bawah kategori yuran bukan audit.

Akhir sekali, laporan tersebut turut menyatakan beberapa perkara yang boleh menurunkan kedudukan Malaysia di dalam penarafan di masa hadapan jika tidak diberi perhatian. Pertama, jika pengundian secara tangan di dalam AGM/EGM masih berterusan dan kedua, jika pelaksanaan Kod Pelabur Institusi Malaysia adalah lemah.

Salam,

Rita

KEMASKINI MAKLUMAT PASARAN DAN KAWALSELIA

CADANGAN PENJANAAN DANA MASYARAKAT BAGI EKUITI (“ECF”)

Terdapat perkembangan signifikan mengenai aktiviti penjanaan modal berikut cadangan kerangka pengawalseliaan Suruhanjaya Sekuriti (SC) bagi ECF. Berikutan komen dan maklumbalas daripada pihak pengendali, usahawan, firma modal teroka, institusi kewangan dan orang awam, syarikat bermodal kecil tidak lama lagi akan dapat mengambil bahagian di dalam ECF dengan menerbitkan saham-saham biasa dan saham-saham keutamaan kepada pihak awam.

KOMEN MSWG:

Seperti yang dinyatakan sebelum ini, penjanaan dana masyarakat bagi ekuiti akan memberikan saluran alternatif bagi usahawan kecil bagi memperolehi sumber pendanaan daripada pelabur. Para pelabur pula tahu bahawa apabila mereka melaburkan dana, mereka perlu membuat penyelidikan yang mencukupi dan semakan latar belakang mengenai personaliti yang terlibat dan juga model perniagaan. SC menyediakan satu platform asas yang baik bagi kewujudan ekosistem penjanaan dana ini. Penerbit yang berpotensi dibenarkan mengumpulkan sehingga RM3 juta bagi tempoh masa 12 bulan, atau maksima sehingga RM5 juta melalui platform tersebut. Dengan penglibatan daripada mikrodana berdaftar dan firma modal teroka, ini akan membentuk satu saluran pembiayaan yang menarik bagi usahawan untuk menjana dana bagi pertumbuhan syarikat.

Lain-lain butiran berkaitan termasuklah seperti berikut:

- Pelabur runcit, pelabur sofistikated dan pelabur dana awal (*angel investors*) dibenarkan melabur dalam syarikat-syarikat yang dihoskan pada platform ECF, tertakluk kepada had pelaburan yang ditetapkan oleh SC.
- Penerbit dikehendaki untuk memfailkan dokumen penzahiran seragam dengan pengendali ECF dan menyediakan, antara lain, maklumat penting mengenai penerbit, tawaran saham dan jumlah yang akan dijana.
- Para pelabur diberikan tempoh bertenang selama 6 hari di mana dalam tempoh itu mereka boleh menarik balik pelaburan mereka.

- Jika terdapat perubahan negatif yang mempengaruhi projek atau penerbit, pelabur juga diberikan tempoh 14 hari untuk menarik diri daripada pelaburan tersebut.
 - Dana yang dilaburkan akan disimpan oleh pengendali ECF dalam akaun amanah dan hanya akan dikeluarkan kepada penerbit selepas syarat-syarat tertentu dipenuhi.
-

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my

Chong Chee Fern, Pengurus Besar, Pemantauan Korporat chongcf@mswg.org.my

Rebecca Yap, Ketua, Pemantauan Korporat rebecca.yap@mswg.org.my

Quah Ban Aik, Ketua, Pemantauan Korporat banaik.quah@mswg.org.my

Norhisam Sidek, Pengurus, Pemantauan Korporat norhisam@mswg.org.my

Shahnul Niza Bin Dato' Dr. Mohd Yusof, Pengurus, Pemantauan Korporat shahnul.niza@mswg.org.my

Lee Chee Meng, Pengurus, Pemantauan Korporat cheemeng@mswg.org.my

Wong Kin Wing, Pengurus, Pemantauan Korporat, kinwing@mswg.org.my

Nor Khalidah Khalil, Penganalisa, Pemantauan Korporat khalidah@mswg.org.my

Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini.*
-

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my.

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.